


Tin mas hotel tin keho cu e situacion dilanti hotelnan ta bayendo for di man



ORANJESTAD (AAN): prensa, e gerente Mark Lyttleton Frances, a splica durante e encuentro cu gerencia di Radisson y cu den combersacion cu otro

hotelnan tin ta confrontando e mesun problema, cu ta dos na Eaglebeach y uno na Palmbeach, tambe a confirma mesun situacion aki cu ta bayendo totalmente for di man. “Bo por wak e problema aki den diferente forma. Bo por wak como un problema di un institucion grandi cu kier kibra e homber chikito, pero bo por wak tambe cu si permiti e homber chikito aki sigui haci loke e ta haciendo, mas y mas hende trahando den e institucionnan grandi aki, lo bay perde nan trabou pa motibo cu e entradanan ta bay cay pa e situacion cu tin. Radisson ta un institucion cu ta aki for di 1959, y si permiti un negoshi cu 6 trahado ilegal riba beach causando perdida pa un institucion asina tradicional manera esaki, no ta corecto. Sr Lyttleton a muestra cu doño di e negoshi chikito aki tin derecho di gana su placa, ta su derecho pa haya un entrada y na varios ocasion a ser bisa cu lo kier core cune, pero esaki no ta corecto, e por keda, e por tin su negoshi pero no ta corecto cu e ta abusando cu su negoshi causando daño na institucionnan asina bieu y

grandi cu tin riba beachnan. E gerente general di Radisson a muestra cu autoridadnan policial ta haciendo lo maximo, nan ta sostene tur e esfuerso aki pero e no ta suficiente ya cu tin ora ta detene algun di e hendenan aki, pero e dia siguiente nan ta bek na e mesun sitio. Na mes momento tin un problema cu “dealernan” ya caminda cu tin demanda tin e hendenan aki cu ta bira un problema ya cu nan lo kier haci uzo di facilidatnan cu tur consecuencia cu esaki por tin. “Si nos no drecha e producto Aruba, no ta importante con bon e producto Radisson ta. E turistanan lo no bin ya cu e producto Aruba no ta bon,”

e gerente general a muestra su preocupacion. Na mes momento Radisson a yega di muestra na un delegacion di Parlamento, cu e hotel ta dispuesto pa coopera pa traha facilidatnan di toilet pa turistanan crucero si esaki ta necesario pero e abuso a bay asina ley cu Radisson mester a cuminsa pone su toiletnan riba candal pa evita cu e abuso ta continua. “Nos tin cu atende cu tur e problemanan aki, ya cu ni maske con chikito e problema por ta, e daño cu e ta causa ta un problema serio y ta pone den peligro trabou di otro trahadonan,” sr Lyttleton a muestra.